



ЯМДЕЛИЙ

1933 ий 1 февраль годсек лектеш.

0+

КНИГА - уш-акылым пойдарыше вий



«Антология детской литературы народов России» книган презентацийже Марий Элыште эртен. Книгашке Марий Эл гыч вич писательнын сылнымутшо: Ипполит Лобановын почеламутшо, Аркадий Богдановын йомак-поэмыже, Юрий Соловьевын ойлымашыже, Светлана Григорьева-Сотон йомак-повестыше гыч ужаш, Елена Юнусован ойлымашыже - пурен.

Снимкыште: И.Лобанов, С.Григорьева, Раиса Сарби (Чуваш Республик), Е.Батурина (Волжск).

Таче ятыр школысо тунемше «Ура-а! Кани-и-кул!» манын йывыртен кычкырла. Туге, йоча-влак, черетан канышда тунгалеш. Но ты жапым пайдалын эртарыман. 24 гыч 31 март марте Россий мучко Йоча да самырык-влакын книга арняшт эрта.

Йоча книган пайремжым 1943 ий 26 мартыште писатель Лев Кассильын темлымыж почеш икымше гана палемдыме.

Писатель В.Любимовын шочмыжлан 90 ий темме вашеш удыржө Г.Махнёва дене вашлиймаш Медведево лудмыверыште лийын.

Марий Элын сулло журналистше, прозаик А.Ф.Филиппов-Чончурийын «Чодыраводыж» книга-жын презентацийже эртен.

Йоча да самырык-влаклан В.Колумб лумеш библиотекекыште поэтессе, МАССР-ын сулло тунуктышыжо З.В.Ермакова (**снимкыште**) дене вашлиймаш лийын. Зинаида Васильевна йоча-влак ятыр почеламут сборникым пöлеклен («Чоя Марусь», «Телын саламже», «Садеран рвезылык» да молат).

Эн ойыртемайтше серыш

Куан шинчавүд

Ик шошо кечын Яотъял школыштына «Голос» шоу-конкурс эртыш. Тушто 1 гыч 11-ше класс марте выступатлышт. Тӱжалтым класслаште тунемше-влакым посна аклышт. Мый «Ава» мурым мурышым. Икымше верым налым. Сценыш лекмек, изиш лӱдынам да вожылынам ыле, йоратыме авамым моналтымек, чыла тиде йомо. Жюри ен-влак чылан «визытаным» шындымек, куан шинчавүдемат лекте. Икымше верналмемлан грамотым да пушкыдо модым пинегым кучыктышт. Мастарын мураш-кушташ Чина Васильевна Чикифорова тунукта.

Анна ТИМОФЕЕВА.

Волжский, Яотъял.



М.СКОБЕЛЕВЫН фотожо.



Кушеч вазат?

«Ямде лийлан» – 85 ий

аклаш темлыш. Мо нерген, могай школла гыч возкалыше йоча-влак дене палыме лийна. Рашеме: газетышке Морко район гыч пеш шукин вазат. Коркатово, Энерсола, Шүргыял школла-влак поснак чулым улыт. Пытартыш жапыште меат ты пашашке ушненна.

Морко, Купсола.

Никита ФЁДОРОВ, 5-ше класс.

Еш дене кугешнена

Ме Марий Ӧрша ялыште илена. Авамын лүмжӧ – Елена Семёновна. Тудо Ӧрша йочасадыште пашам ышта. Андрей шольымлан – 4 ий, йочасадыш коштеш. Мӧнгыштӧ пырля модына.

Диана ИВАНОВА, 2-шо класс.



Авам Елена Валерьевна изи Ваня шольым дене мӧнгыштӧ шинча. Настя шүжарем йочасадыш коштеш. Ме кажне кечын пырля модына, Ванямат ончаш полшена. Мый ешем-мым йӧратем!

Софья ЧЕМЕКОВА, 3-шо класс.
Советский район.

Историйым шергалына

1111 ий 27 мартыште

Владимир Мономах князын вуйлатыме руш дружине, Донской степыш поход дене кайымекше, Сальница эгер воктене половецкий войскам кырен шалатен. Тылеч вара половец-влак Русыш керылт пурным чарненыт.

«Живая классика» конкурсыш республикыште 1044 тунемше ушнен.

Книга – воштончыш, чижкыдырак туш ончал. (Калыкмут)


10 апрельште «Живая классика» всероссийский конкурсын республикысе этапше Йошкар-Олаште Йоча да самырык-влакын усталык полатыштышт эрта.

21 мартыште Марий Элыште ЕГЭ-ым жап деч ончыч сдатлаш тунгалыныт. Результатышт 3 апрельште пале лиеш.

Тений кок тылзе жапыште Марий Элыште 13 пожар лийын.

Мартыште шуко кече тийтыран шога – тугеже йӧран ийым сӧра.

Советский район Ронтошкол «Национальный герой» республикысе дистанционный конкурсым эртара. Уверым sites.google.com/site/nationalnygeroy18/ сайтыште муыда.



Кечышотым эскере

25 март –

Российысе тӱвыра пашаенгыч кечыже.

Национальный президент сымыктыш школла негызеш 450 еган марий йоча хорым чумырымо.

27 март –

Театрын тӱнямбал кечыже.

30 март –

Мландым аралыме кече.

Тул модыш огыл

Школыштына «Я и пожарная безопасность» районысо конкурс эртыш. Тушто 10 школла гыч ЮИД команде-влак тагасышт. Школлан чапшым Дима Андреев, Виолетта Матвеева, Яна Макарова, Анна Тимофеева да Анна Прибыткина (снимкыште) аралышт. Конкурсышто куд этап лие. Мемнан школын командыже 1-ше верым сенен нале.

Дарья АНДРЕЕВА,
Виолетта МАТВЕЕВА.
Волжский, Пӧтгъял.

Пожар годым 101 номер дене йынгыртыман.



Л.КОШАЕВАН фотожо.



МАРИЙ МУТЧО



БАЙДИМИРОВ
Дмитрий Александрович,
историй науко кандидат

Шочмо вер: Пошкырт кундем, Мишкан район, Пүнчер ял.

Шочмо кече: 1983 ий 16 сентябрь.

Тунемме вер: 1990–1999 ийла – Пошкырт кундем, Мишкан район, Пүнчер школ; Марий кугыжаныш университет, тўвыра да сымыктыш факультет (2009 ий).

Диссертаций теме: «Культура повседневности народа мари: историко-культурологический анализ».

Паша корно: 2006–2007 ийла – «Марий Эл» кугыжаныш куштышо ансамбльын артистше; 2008–2010 ийла – Т.Евсеев лўмеш

Национальный тоштерыште этнографий пўлка вуйлатыше; 2010 ий – Марий кугыжаныш университетыште тўвыра да сымыктыш факультетыште тунуктышо; 2011 ий – Калык усталык да культурканыш паша шотышто республикысе шанче-методик рўдер, фольклор паша шотышто тўн методист; 2011–2013 ийла – Чарла

Кремль, тўшка паша пўлка вуйлатыше; 2013 ий гыч Т.Евсеев лўмеш Национальный тоштерыште этнографий пўлка вуйлатыше.

Шымлыме паша: 30 угла шанче паша.

Чаплўм: Олык Ипай лўмеш кугыжаныш премийын лауреатше.

– Дмитрий Александрович, Йошкар-Олашке кузе логалында?

– Йошкар-Олаш, шке ончылнем кугу цельым шынден, тунемаш пураш толынам. Тыштак авамын акаже, шўжарже тунемыныт. Мыят тиде корнымак ойырен налынам.

– Тендам науко корныш шогалаш мо таратен?

– Визымше курсышто тунеммем годым мый музейш пашаш пуренам. Тунам этнографий пўлкам Надежда Александровна Большова вуйлатен. Тудак мыйым аспирантурыш пураш таратен. Тыге мый науко корным тошкаш тўналынам. Ондак шанче пашаенлан ыштенам, а кок ий гыч пўлка вуйлатышылан шогалтенит.

– Аспирантурышто кушто тунемында? Шымлыме пашадан темыже могай?

– Марий кугыжаныш университетыште аспирантурым тунемын лектынам. Шанче вуйлатышем культурологий доктор, профессор Галина Евгеньевна Шкалина лийын. Кандидатлык диссертацийым Озангысе кугыжаныш тўвыра да сымыктыш университетыште 2013 ийыште араленам. Икымше шымлыме пашам «Домостроительная обрядность народа мари» маналтын. Мый пўртым чонымо йўлам шымленам, тиде теме денак диплом пашам возенам. Тунемше-влакымат изинек шымлыме пашаш ушнаш ўжам.

– Олык Ипай лўмеш кугыжаныш премийым могай пашалан налында?

– «Три тотема» караванный выставке» (2012-2014 ийла) шанче да шымлыме проектым шонен лукмылан да илышышке шындарымылан. Премийым мылам (проект вуйлатыше да автор семын), Анастасия Айгузиаланан да Андрей Шурыгинлан пырля пуэныт.

Х.АЛЕКСАНДРОВА мутланен.



Мылазели неш
келыш
Цицеронун
ушан мутшо:
«История —
свидетель прошло-
го, свет истины,
живая память,
учитель жизни,
вестник
старичы».

Сылнын лудмым аклыме



Авторын фотожо.

Оласе
марий
йоча

Моктена

Мый шочмо йылмем моткоч йоратем. Тудын дене кылдалтше түрлө конкурсыш ушнем. Пургыж тылзын 21 кечынже

Шочмо йылмын кечыжым палемдышна. Волаксола школыштына урок-учашымаш лие. Тудо моткоч онайын эртыш. Уш-акылна пойдаралте. Йоча-влак шочмо йылме кабинет гыч весела кумыл дене лектыч.

Анна ГЕРАСИМОВА.
Морко район.

Шочмо йылме нерген

Кажне айдемылан шочмо-кушмо верже, шочмо калыкше шерге. Икымше ошкылым ышта, мör гай изи түрвыжö «авай» манын пелешта, йолташ-влакым муэш – шүм-чонжо шочмо вершöрыш шупшеш. Кеч-кöат икымше шомакым шочмо йылмыш дене пелешта да эре шарнаш туналеш. Шочмо йылме, тый кажнылан эн шерге да мондалтдыме улат.

Элина НИКОЛАЕВА.
Морко, Эгерсола.

Марий шомакым нимо дене от висе. Чöлта лјмнам да арала чапнам.

#мыйденемкелшет?

Йошкар-Оласе школ-влак «Живая классика» всероссийский конкурсын оласе этапышкыже ушнышт. 15 мартыште 19-ше номеран школышто ўдыр-рвезе-влак марий сылнымутым лудмо мастарлыкыштым тергышт. Школ вуйлатышын алмаштышыже О.А.Колос тунемше да туныктышо-влаклан сeгымашым тыланш. «Йылме – калыкын чонжо. Кажне айдеме кугезе кова-кочан йылмыжым палышаш да аралышаш. Йылмым йомдарыше нигунам пиалан ок лий», – мане Ольга Александровна.

Таңгасымаште вич тунемше лийын. Тиде **Анна Бусыгина** (27-ше №-ан шк.), **Александр Яковлев** (21-ше №-ан шк.), **Софья Павлова** (14-ше №-ан гимназий), **Дина Багаева** (17-ше №-ан шк.), **Ксения Юрасова** (19-ше №-ан шк.). Нуным снимкыште ужыда. Республикысе конкурсышто Йошкар-Олан чапшым Софья Павлова аралаш тунгалеш.
Л.ГРИГОРЬЕВА.



Уш-акыл модышлан йодыш-влак

✓ Марий алфавитыште мыняр буква уло?

✓ Урок тунгалтышыште йоча-влак мом колыт?

✓ Могай марий мут ик букван?

✓ Марла каласыме годым компьютер шомакыште мыняр йүк шокта?

✓ *Шорыкйол* мут мом ончыкта?
Г.С.ТОБЕКОВА, туныктышо.
Куженер, Конганур.

Мут поянлык

Пудештшаш (пудешт кайышаш) гай сыраш (лияш) – пеш чот тургыжланаш, чот шыдешкаш, ужмышудымын сыраш.



Мутлан (шомаклан) күсенышке ок пуру – мом пелештышым, кузе вашештышашым сайын пала.



(Ф.Т.Грачеван «Марий фразеологий мутер» книгаже почеш.)

Изи Мичу турийым кочкаш йората. Тыге лийын кер-теш але уке?




Вадим ЛЕОНАРД,

Марий википедийын администраторжо:

– **Тендан шонымаште, самырык тукымым шочмо йылмым тунемаш кузе кумыландаш лиеш?**

– Марий йылмым «модныйым» ыштыман. Тудо кызит утыждене философий, историй да сылнымут дене кылдалтын. Куштылго, онай, весела радиопередаче, подкаст, интернет-канал, телешоу-влак кўлыт. Моткоч сай пример – «Мичу» интернет-пabлик. Ялысе рвезе пеле рушла, но онайын кутырен, моткоч кугу аудиторийым поген. А эн тунжö – самырык-влаклан келша, весела да туням шке шинчаончалтыш дене аклен моштышо марий ег-влак кўлыт. Самырык тукым нунын почеш тарвана, нунын семын кутыраш тунгалеш.



21 февральште Йошкар-Оласе Чарла Кремльште Шочмо йылмын кечыжлан пöлеклалтше йыргешке үстел эртен. Тудым Кремльын тун шанче пашаенже **Наталия ДУДИНА (снимкыште)** вүден.

– Наталия, тыгай йыргешке үстелым эртарыме нерген кунам да кузе шонымаш шочын?

– Тачысе кечын марий тўвыра аланыште самырык тукум кузе ила пален налаш, нунын дене кутыралташ шукертсек шоненам.

– Мероприятийш ком ўжында?

– Уна семын моткоч ойыртемалтше ег-влакым ўжынам. Блоггер-журналист, «Почеламут сем» тўшкам вуйлатыше, марий дизайнер, мурызо, музык дене специалист да молат толыныт. Тыгай ег-влакым ўжмашын тун шонымашыже – пашаштым ончалаш да акым пуаш. Кузе таче, кугу информационный технологий жапыште, нуно йылме дене пайдаланат? Мутлан, Николай Любимов марий йылме дене «Кидшер» интернет журналым вўда, а Алина Хорошавина модылан келшен толшо вургемыште (стилизованный) марий тамгам арален кода. Ме нунын пашашт дене палыме лийынна, тўрлө йоды-

шым рашемденна да акым пуэнна, манын ойлашат лиш. Мыйын шонымаште, самырык-влакым ончен, моло-влакат тунемыт.

– Йыргешке үстелыште мом канашенда? Могай йодышым нөлталында?

– Кажныже шке пашаж нерген каласкален. Да ме утыжым кугу проблемыжым тарватен огынал, усталык пашаште йылмым кучылтмо йодыш нерген мутланенна. Мутлан, интернет дене пайдаланыме годым самырык ег могай нелылык дене вашлиялтеш.

– Могай иктешлымашке шуында? Умбакыже мом ышташ шонена?

– Тыгай форматан программе Чарла Кремльште икымше гана эртен. Умбакыжымат тиде пашам шуаш тўнгалына, но вес йодышымат тарватена. А йылме шотышто каласыман: ег-влаклан титакым кышкыман огыл. Кеч-кузе шоктыжо, но эн ондак шке гыч тўнгалман. Ме вашке экскурсийым марла эртараш тўнгалына.

Х.АЛЕКСАНДРОВА мутланен.



Правил тўняште

Марий йылмыже көн
Кыл кучымо йөн?

Марий калыкын огыл мо?
Тудым палыман огыл мо?
Теве правил-влакымак налаш:
Кўлеш тыршен тунемаш.
Чыла шинчет, чыла палет –
Кутырен, возен моштет.

Пунктограмме чотак
аньрта,

Возаш шот дене туныкта.
Точко, тире, запятой –
Лийын шинче шотан ой.
Пелештем гын кычкырал –
Тоям шындем удырал.
Але йодын каласем –ы
Кагыр лиш знакем.

Подлежащийым муаш
Кўлеш кок йодышым шындаш.
Сказуемыйым палаш нелырак,
Йодыш-влакше шукырак.

Предложений
палым ончыкташ
Определенийым кўлеш
палаш.


Пале мут дене пырля
Утларакшым возена.



Пўртүс нерген воза

У Торъял район Тошто Торъял школын тунемшыже Ксения Романован (**снимкыште**) сылнымут пашаже газетыштына икмыняр гана савыкталтын. Ёдыр пўртүсым эскераш йөрата. Вара чон шижмашыжым кагазыш луктын пышта. «Марий йылмым туныктышо Лидия Анатольевна Янгабышева сочиненийым урокыштат возыкта, мөнгысө пашаланат пуа», – ойла Ксения. Ойыртемалтшын возаш манын, тудо марий сылнымутан книгаг лудеш, поэт-писатель-влакын возымо йылмыштым эскера, ойсавыртышыштым шарнен кодеш.

Л.ГРИГОРЬЕВА.



Авторын фотожо.

Дополнений

пешак шуко!
Керек-кушко тудым
тушко:
Көм? Мом? Көлан?
Молан? –
Чыла тидым палыман

Умландарыше член
Ойыш пура шынген.
Верым, жапым ончыкта,
Сай возашет туныкта.

Л.СОШИН.



Чылам ончылтен

Кодшо ий мучаште республикыште эртыше «Мунло» уш-акыл марафонышто мемнан тунемшына Ольга Буденая капитан-влак коклаште икымше верым налын. Тидым ме сенымашлан шотлена, вет кандаш команде коклаште мемнан деч молыжо чыланат кыдалаш школ гыч лийыныт.

Юлианна ЕРМОЛАЕВА.
Марий Турек, Сардаял.

Кас велеш кўшнө-кўшнө шолдыра «ош карме-влак» чонештылаш тўнгалыч. Уна иктыже пушенге ўмбалне ик-кок гана пўрдын савырныш да ўлыл укш мучашеш шы-ы-ып волен шинче. Ўлыкө лўдын-ўрын ончале: «Мо тугай шемын коеш? Пуйто шем постом шарен пыштеныт». Теве вес изи Лум Пырче пўрдын-пўрдын волыш да саде шем посто ўмбақ эркин шинче. Йўк шоктыш:

– Поро кас, Лум Пырче! Тиде мый улам, Мланде! Кунамсек тыйым вучем. Ош тўшак дене леведалташ ямде улам.

Лум Пырче почеш моло-влакат йогаш тўнгалыч. Икте, весе, кумшо... Мланде эркин ош тўсым нале.

– Ух-х! Могай са-а-е! Лум тўшак йымалне ырашат тўналтым, – куанен мане Мланде. – Тау тыланда! Кужу жап ышда тол да, лўдашат тўнгалтым.

– Молан, Мланде изай? – Лум Пырче-влак ўрыныт.

– Лум тўшак ок лий гын, мыланем йўштө. Чараш кодам гын, кушкыл-влакын вожышт кылма, – Мланде умылтарыш.

– Ура-а-а! Тугеже ме ик сай пашам ыштышна, шокшо ош тўшакым шарышна! – кычкыральгыч Лум Пырче-влак.

Лум Пырче-влак Мландын мутшылан тунар куанышт, Мардеж сем почеш пўрдын кушташ тўнгалыч. Теве комбо мамык гай куштылгын кўшкыла нўлталагыч, тўшкалан шелалтын, поче-поче мўнгешла волаш тарванышт. Но Мардеж «Кушко вашкеда?» манше гай, чылаштым погалтен, уэш кўшкө, пылвомышыш шумеш, налын шуыш. Тыге ятыр пўрдын-куштен толашышт. Пытаргышлан Мардежат, Лум Пырче-влакат нойышт, коеш. Чыланат шыпланышт: Мардеж пушенге коклаш пурен йомо, а Лум Пырче-влак, кудыжо савар пелен, кудыжо пўртвуй ўмбалан, лўддымыракышт оралте да урем покшеланат шыпланен возыч. Ик изи Лум Пырче гына нералтыше Мландым помыжалтарыш:

– Мланде изай, шанге «Але шуко сай пашам ышташ тўналыда» манметым кузе умылыман?

– У-у-о-ох! Тидым те шке пален налыда. Кызытеш чеверын, шошым вашлийына, у-у-о-ох, – Мланде шыпланыш.

– Мланде изай, Мланде изай! Шошо манмыже мо лиеш? – изи Лум Пырче пеш пален налнеже, но Мланде пич омо дене маленат колтен.

Теве эр шуо. Йоча-влакын куанен кычкырыме йўкешышт ош лум тўшак чурк! помыжалте.

– Ура-а-а! Теле толын! Ура-а-а! Лум возын! – кычкырен, тышечат-тушечат йоча-влак уремыш куржын лектыч.

– Ух, са-а-е! Вучен шуктышна!

– Ночко лум дене модаш могай сай! – куан йўк чыла вечынат шокта.

«Тугеже тиде мемнан черетан сай пашана лиешыс, – изи Лум Пырче куанен шоналтыш. – Ты кундемыш толмына арам ыш лай!»

Лум Пырче-влак шижынат ышт шукто, кузе теле эртен кайыш. Теве вўд-шор тылзе толын шуо. Уремыше лум курыкат, оралте покшелне шогышо лум чунгат, савар пелен кийыше лум

пургыжат – чылажат эркин шулаш тўнале. Лум

Пырче-влак умыленат ышт шукто, кузе изэnergyш савырнен, урем покшеч лўоргыктен йогаш пижыч.

– Ура-а-а! – вўд почеш модыш пушым колтышо нўога полко кычкырен куржталыштеш.

«Ме, шулен, вўдыш савырнена, йоча-влакым куандарена. Тугеже тиде адак мемнан сай пашанас!» – изи Лум Пырче шоналтыш.

Теве ик вере да вес вере мланде почылташ тўнале. «Ой, ме йўршын шулен пытенас,

Мланде изайын помыжалтмыжымат вучен огына шукто», – изи Лум Пырче ойгыраш тўнале. Ик кечын «Уф-ф-ф!» шоктен, Мланде помыжалте, вуйжым нўлталын, йыр-ваш ончале.

– Поро кече, танем-влак!

– Мланде изай! Поро кече! – пытаргыш Лум Пырче-влак чыла вечынат куанен йўкланат.

– Мланде изай! – изи Лум Пырчат куанен. – Ме теле гоч шуко сай пашам ыштышна!

– Ну, ойлен ончыктыза-я, мом тугайым сайым ыштен улыда? – Мланде палынеже.

Но Кечын чотрак ырыктымыжлан кўра Лум Пырче-влак йўршынак шулен кайышт, вўдыш савырнен, корем лакыш, а тушеч энерыш йоген пытышт. Пытаргыш, мом Мланде колын шуктыш, «Мланде иза-а-ай! Шушаш кылме тылзыште уэш вашлийына! Кызытеш чеве-е-ерын!» манме лие.

Елена ЮНУСОВА,

Россий писатель ушемын енге.

Лум Пырче

Айста лудына



Ойлымаш



Вика Мочалова (шолаште кўшнӧ) тўрлӧ материалым кучылтеш. Гипс гыч ыштыме фигурым чиялта, открытке-влакым ышта. Ӱдырлан тыгак оригами келша. Папье-машье денат палыме.



Юлиана Байгузина (пурлаште) «Бисероплетение» кружокыш кокымшо ий коштеш. Шуко тыгыде ўзгарым ыштен.

Динара Сабитова (кумшо снимке) гипс гыч ыштыме фигурым чиялташ йӧрата.
Л.ИВАНОВА,
туныктышо.
Медведево,
Руэм.



Анна ЕРОСЛАНОВА.
У Торъял.




«Ончалза, могай мастар!» конкурсын икымше туржо мучашке лишеме. Газетеш савыктыме чыла фотом таче, 24 мартыште, «Ямде лий – марла йоча газет!» тўшкаш vk.com/yamde_lii адрес дене верандена. Келшыше мастар-влак верч йўкдам 31 март марте пуэн кертыда. Сенгышым тендан йўклымӧ почеш ойырена.

Конкурсын кокымшо туржо тўналеш. Пашада-влакым 16 апрель марте вучена.

«Ончалза, могай мастар!»

КОНКУРС!

Ангелина ФОМИНЫХ.
У Торъял,
Токтарсола.



Никита ФОМИНЫХ.
У Торъял, Токтарсола.

Мый Звенигово район Эсмекпяк кыдалаш школышто тунемам. Тўрлӧ кидпашам ышташ йӧратем. Пытаргыш жапыште модульный оригами келшаш тўналын. Тиде технике дене мотор лотос пеледышым, йўксым, павлин-влакым, пырысым да молымат ыштенам. 18 мартыште, Йўклымӧ кечын, школыштына выставкым ямдылыме ыле, мыйын пашам-шамычат тушто лийынт.

Юлия МАНАСОВА.



Ме Конганур школ-йочасадын кугурак группышкыжо коштына. Ончалза, меат изи мастар улына! Изи киднам лывыртен, ава-влаклан теве тыгай пӧлекым ыштенна.

В.С.ГЛУШКОВА.
Кужӧнер район.





«Йомак»
 группыш коштына,
 Весела ме улына.
 Куштен, мурен моштена,
 Ончалаш мемнам толза!
Маша КУЗНЕЦОВА.
 Медведево,
 У Арбан йочасад.

Синквейн Шошо

Сылне, вучымо.
 Каныкта, модыкта, куандара.
 Мыйын йӧратыме жапем,
 Каникул.

Нагаша ЧЕМЕКОВА.
 Советский, Ӧрша.

К дене чодыраште кушкеш,
Ш дене нурышто шочеш.

Й дене кенжежым йӧреш,
Т дене мотор лиеш.

М дене олыкышто шочеш,
Ш дене ошо лиеш.
В. СМЕРНОВ ямдылен.

МИНИСТЕРСТВО КУЛЬТУРЫ, ПЕЧАТИ И ПО ДЕЛАМ НАЦИОНАЛЬНОСТЕЙ РЕСПУБЛИКИ МАРИЙ ЭЛ
 МАРИЙСКОЕ РЕГИОНАЛЬНОЕ ОТДЕЛЕНИЕ СОЮЗА ТЕАТРАЛЬНЫХ ДЕЛТЕЛЕЙ РОССИЙСКОЙ ФЕДЕРАЦИИ


ЙОШКАР-ОЛА ТЕАТРАЛЬНАЯ-2018

Национальная театральная премия им. Ийвана Кырлы

20 марта (пят)	18.00 час.	ТОРЖЕСТВЕННЫЕ СТРАСТИ
		ЭРЕНЕР
21 марта (пят)	10.00 час.	Республиканский театр «Мариинский»
		БАМБУКОВЫЙ ОСТРОВ
	18.30 час.	Республиканский театр «Мариинский»
		ГРОЗА
		Драматический театр «Мариинский»
22 марта (пят)	10.00 час.	Республиканский театр «Мариинский»
		Я ХОЧУ ЛЕТАТЬ
	13.00 час.	Республиканский театр «Мариинский»
		В ОБРАГЕ
	18.00 час.	Республиканский театр «Мариинский»
		ТУЛАР ДЕН ТУЛАЧЕ (Сваги и Сваха)
23 марта (пят)	11.00 час.	Республиканский театр «Мариинский»
		«НАТАШИНА МЕЧТА»
	15.00 час.	Республиканский театр «Мариинский»
		«БЕЗ СЛЕЗ НЕ ВОЗГЛЯНЬШЬ»
	18.00 час.	Республиканский театр «Мариинский»
		ИИСУС ХРИСТОС – суперзвезда
24 марта (пят)	15.00 час.	Республиканский театр «Мариинский»
		САВИК
	18.30 час.	Республиканский театр «Мариинский»
		ВАЛЕНТИНОВ ДЕНЕ
25 марта (пят)	10.00 час.	Республиканский театр «Мариинский»
		СКАЗКА В ПОДАРОК
	15.00 час.	Республиканский театр «Мариинский»
		КАРМЕН
26 марта (пят)	16.00 час.	Республиканский театр «Мариинский»
		ТОРЖЕСТВЕННЫЙ ВЕЧЕР

ВТБ

Кудо пырыслан
 коляге логалын?
 Кӧ писырак муэш?



Ужалыше

Кечыгугак шога ужалыше,
 Тӱрлӧ-тӱрлӧ сатужым темлен.
 Вискала, шымла кажне налше.
 А ужалыше кодеш тауштен.

Юлия ИВАНОВА.
 Кужӧгер, Шорсола.



1. Имне огыл, лу имным алмашта.
2. Сокры сӧсна писте вуйыш кӱза.
3. Вургемжым кудаеш да шинчавӱдым луктеш.
4. Чондымо чонаным покта.
5. Лудыжо – ерыште, почшо – серыште.

Максим НИКОЛАЕВ,
 3-шо класс.
 Морко, Коркатово.

Марлашке кусарыза:
серая утка прочла.
 Мӧнгешла лудса: **магрос**
налеш шелан сортам.
Виолетта МАТВЕЕВА.
 Волжский, Пӧгъял.



Индекс: Марий Элыште,
 Пошкырт ден Татарстан
 кундемлаште - П4696.
 Тираж 1000 экз. Заказ 612.
 Формат – А-4-8.
 Директор-тӱн редактор
 Л.В. СЕМЕНОВА.

E-mail: yamde_lii@mari-el.ru,
 yamde_lii@mail.pro
 Сайтын адресше: yamde-lii.ru,
 Тел. 8(8362) 45-25-49(факс);
 45-22-82.

УЧРЕДИТЕЛЬ-ВЛАК: Марий Эл
 Республикысе культур, печать да
 калык-влакын пашашт шотышто
 министерстве, «Ямде лий» газет»
 кугыжаныш унитарный казна
 предприятий.

Газетым редакцийште погымо
 да верстатлыме, «СТРИНГ» ИПФ
 ООО-што ямде оригинал-макет гыч савык-
 тыме. Типографийн адресше: 424006,
 Йошкар-Ола, Строитель урем, 95.

Газетым Массовый коммуникаций
 сферыште да культур наследийым ара-
 лымаште законодательством шуктен шо-
 гымым эскерыше Федеральнй службн
 Приволжский федеральный округысо у-
 правленийыштеже регистрироватлыме.
 Номер – ПИ №ФС 18-1999,
 2005 ий 10 февральыште пуымо.

Газетым Печать да массовый
 коммуникаций шотышто
 Федерал агентствын окса
 полишыж дене лукмо.

Соцсетъысе адрес-влак:
 ok.ru/yamdelii
 vk.com/yamde_lii

Авторын да редакцийн шо-
 нымаштыш тӱрлӧ лийын кер-
 тыт. Серыш-влак мӧнгеш огыт
 колталт.

Ак – кутырен келшыме
 почеш.

Редакцийн да издателын
 адресше: 424006, Йошкар-Ола,
 СССР Вооруженный Вийын
 70-ше идалькыше урем, 20.